

**Grad Novi Pazar
Skupština grada
Odbornička grupa SDA Sandžaka
Novi Pazar
4. maj 2022. godine**

**P R E D S J E D N I K U
SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O OBRAZOVANJU KOMISIJE ZA OBILJEŽAVANJE PRAZNIKA I DODJELU PRIZNANJA GRADA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 5. maja 2022. godine.

Ovlašteni predstavnik Odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe
Ahmedin Škrijelj

PRIJEDLOG

Na osnovu člana 32. stav 1. tačka 1) i 20) i člana 93. stav 2. Zakona o lokalnoj samoupravi („Sl. glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 46. i člana 47. Statuta grada Novog Pazara, („Sl. list grada Novog Pazara“, broj 6/19), i članovima 55, 56. i 131. Poslovnika Skupštine grada Novog Pazara („Sl. list grada Novog Pazara“, broj 6/19), Skupština grada Novog Pazara na sjednici održanoj 05. maja 2022. godine, donosi

ODLUKU O OBRAZOVANJU KOMISIJE ZA OBILJEŽAVANJE PRAZNIKA I DODJELU PRIZNANJA GRADA

Član 1.

Skupština grada Novog Pazara obrazuje Komisiju za obilježavanje praznika i dodjelu priznanja Grada Novog Pazara kao stalno radno tijelo.

Član 2.

Komisija za obilježavanje praznika i dodjelu priznanja Grada, u skladu sa zakonom utvrđuje prijedloge odluka za utvrđivanje praznika Grada, za dodjelu zvanja „počasni građanin“ osobi čiji su rad i dostignuća od posebnog značaja za Grad i prijedlog odluke za dodjelu priznanja Grada u skladu sa postupkom, uslovima i kriterijumima utvrđenim posebnim odlukama Skupštine, kao i prijedloge odluka o dodjeljivanju drugih priznanja Grada, inicira i koordinira aktivnosti za obilježavanje državnih praznika, jubileja i drugih značajnih događaja iz prošlosti Novog Pazara.

Član 2.

Predsjednika i članove Komisije bira i razrješava Skupština grada na prijedlog odborničkih grupa, za mandatni period za koji su izabrani odbornici.

Odborničke grupe dužne su, u roku od 15 dana, od dana objavljivanja ove Odluke, dostaviti prijedloge članova Komisije.

Član 3.

Komisija za statutarna, normativna i organizaciona pitanja, u roku od 15 dana od dana objavljivanja ove odluke, izradiće prijedlog dopune Poslovnika Skupštine grada Novog Pazara, kojim će se ova Komisija uvrstiti u Poslovnik, i isti će dostaviti Skupštini grada na usvajanje.

Član 4.

Ovu odluku objaviti u “Službenom listu grada Novog Pazara”.

SKUPŠTINA GRADA NOVOG PAZARA

Broj:

U Novom Pazaru, _____. _____. 2022. godine

PREDSJEDNIK

Dr. Anela Šemsović

O B R A Z L O Ž E N J E:

Pravni osnov za donošenje odluke:

Pravni osnov za donošenje ove odluke je sadržan je u:

- članu 32. stav 1. tačka 1) i 20) i članu 93. stav 2. Zakona o lokalnoj samoupravi;
- članu 46. i članu 47. Statuta grada Novog Pazara;
- članu 147. Statuta grada Novog Pazara;
- članovima 55, 56. i 131. Poslovnika Skupštine grada Novog Pazara.

Razlozi za donošenje odluke:

Skupština grada, na osnovu Statuta grada, može osnivati stalna i povremena radna tijela za razmatranje pitanja iz svoje nadležnosti. Kao stalna radna tijela osnivaju se: stručna radna tijela, savjeti i komisije. Skupština može osnivati najviše 40 stalnih radnih tijela.

Poslovnik grada nije, do sada, predviđao radno tijelo koje će se baviti obilježavanjem praznika i dodjelom priznanja Grada. Neophodno je da se utvrđivanje prijedloga o dodjeli najviših priznanja Grada Novog Pazara radi na transparentniji način, kako bi, legitimno izabrani predstavnici građana uzeli učešće u kreiranju prijedloga, a Skupština grada, kao najviši gradski organ dobio, u punom kapacitetu, ulogu koju ima.

Komisija za obilježavanje praznika i dodjelu priznanja Grada bi, u skladu sa zakonom utvrđivala prijedloge odluka za utvrđivanje praznika Grada, za dodjelu zvanja „počasni građanin“ osobi čiji su rad i dostignuća od posebnog značaja za Grad i prijedlog odluke za dodjelu priznanja Grada u skladu sa postupkom, uslovima i kriterijumima utvrđenim posebnim odlukama Skupštine, kao i prijedloge odluka o dodjeljivanju drugih priznanja Grada, inicira i koordinira aktivnosti za obilježavanje državnih praznika, jubileja i drugih značajnih događaja iz prošlosti Novog Pazara.

Komisiju bi činili predstavnici svih odborničkih grupa, srazmjerno broju odbornika koje imaju u Skupštini, odnosno, građani afirmisani iz oblasti historije, nauke, kulture, sporta i drugo, kao prijedlog odborničkih grupa.

Objašnjenje pojedinih rješenja propisanih ovom odlukom:

Član 1: Ovim članom Skupština grada pokreće postupak i proceduru za dopunu Poslovnika Skupštine grada.

Član 2: Ovim članom utvrđeni su rok i obaveza Komisije za statutarna, normativna i organizaciona pitanja da utvrdi prijedlog za dopunu Poslovnika Skupštine grada te su date smjernice za izradu navedenog prijedloga.

Član 3: Propisana je obaveza objavljivanja u ove odluke u „Službenom listu grada Novog Pazara“

Finansijska sredstva za sprovođenje ove odluke obezbijediće se u budžetu Grada Novog Pazara.